



Inuussutissanik immuup sukkuani akooqanngitsunik pisariaqartitsisunut qanoq akikinnerulersitsisinnanersugut pillugu misissuinissamik aallartitseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Misissuinermit naatsorsorneqassaaq innersuussutit ataasiakkaat aningaasatigut inuiaqatigiinnut kinguneqassanersut.
(Inatsisartunut ilaasortaq Justus Hansen, Demokraatit)
(Siullermeerneqarnera)

Demokraatit Inatsisartunut ilaasortaq Justus Hansen siunnersuuteqarsimaneranut qujaffigerusupparput, imatullu oqaaseqarluta Ilaqutariinnermut Peqqissutsimullu Ataatsimiititaliamut sammineqarnissaanut innersuullugu.

Qallunaat oqariartaaseqarput "Du er hvad du spiser". Kalaallisut imatut paasineqarsinnaasoq "nerisavit inuunerit ilusilersortarpaa". Nerisat aqqutigalugit peqqinnartumik inuusinnaanissaq periarfissaasariaqarpoq - aamma sapigaqartuugaanni imaluunniit immuup sukkuani arrortitsisinnaanngitsuugaanni. Taamaammatt siunnersuut taperserparput, kinaluunniit immup sukkuani sapigaqartuugaluaruni imaluunniit arrortitsisinnaanngitsuuguni tunisassianik akornutaanngitsunik pisisinnaanngorniassamat. Allatut oqaatigalugu, innuttaasut nerisassianik immup sukkuani akooqanngitsunik pisiassat naliginnaasut akeqqataannik pisisinnaanngornissaat periarfissaasariaqarpoq.

Sapigaqartunik apersuilluni misissuinermit arlalinnik takusaqareerpugut – aamma immup sukkuani sapigaqartunik imaluunniit arrortitsisinnaanngitsunik peqataasulinnik. Aamma meeqqanut sunniutaasarsimasumik mississuisoqartarsimavoq. Sunniutaasartut tusartarlugit attortinnartaqaaq, aammalu innuttaasut misigilersinnaasarpur naapertuilluanngitsumik atugassaqarlutik inunngorsimallutik, sapigaqarnertik peqqutingalugu, taamaalillutillu nerisassianik akisunernik pisariaqartarlutik atussaasumik inoorusukkunik. Taamaammallu erseqqissarusupparput siunnersuutip aamma inuiaqatigiinni peqqissutsikkut assigiinngitsitsineq alliaartortoq iliuuseqarfiginissaanut aqqutissiuusissamat, taamaalillutalu inuiaqatigiit nerisassianik peqqinnartunik assigiinngiaartunillu pisisinnaanissaannut aqqutissiuullugit.

Meeqqat atugarissaarnissaat qulakkeerniarlugu taamaalillutalu pitsaanerpaamik peroriartorneranni inuussutissaqartinniarlugit inuiaqatigiinnut akisussaafeqarluta iliuuseqarnikkut takutitsisariaqarpugut

Taamaammallu pissusissamisoorsoraarput siunnersuut Ataatsimiititaliamut susassaartumut sammineqarnissaanut ingerlateqqikkutsigu.